



Nunatta pissarititaanik qimminut uumasuutinullu allanut nerisassianik, pisortanit namminersortunillu pigineqataaffiusumik tunisassiorneq, imminut akilersinnaasumik ingerlanneqarsinnaanersoq paasiniallugu, Naalakkersuisut Upernaakkut Ataatsimiinnermi 2017-mi agguaassassamik nalunaarusiornissaannik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Peter Olsen, Inuit Ataqatigiit)

Qimminunut nerukkaatissiorfimmik nunatsinni pilersitsisoqarsinnaaneranut iluaqutissartai ajoqutissartaalu pillugit Naalakkersuisut UPA2017-imut nalunaarusiamik suliniuteqaqqullugit inatsisartut aalajangiiffigisassaattut siunnersuut. Tamatumani aningaasaqarnikkut piumasaqaatinngortussat tunisassiornissamullu tunngasut ilanngullugit.

(Inatsisartunut ilaasortaq Anthon Frederiksen, Partii Naleraq)

(Siullermeernera)

Naalakkersuisut Neqi A/S-mut akissuteqarnerminni nalunaarutigaaq pisariaqartitsineq misissorneqalereersoq kiisalu Inatsisartunut ilaasortaq Peter Olsenip Inuit Ataqatigiinneersup aamma Anthon Frederiksenip Parti Naleqqameersup siunnersuutiminni pisortanit tapiiffiineqartumik tunisassiulernissamat siunnersuutaat imminut akilersinnaasumik ingerlanneqarsinnaanersoq paasiniallugu misissorneqalereersoq.

Demokraatini tunngaviusumik isumaqarpugut pisortat namminersortunut akulerusimanertik annikillisartariaqaraat eqqarsaatigalugit akiligassanut pisortat toqqaannartumik tapiissutigisartagaat aamma pisortat tapiissutigisartagaat akiligassanut ingerlaavartunut.

Kissaatigaarput paarlattuanik pisortat pigisaannut imaluunniit ingerlatseqatigiiffinnut pisortat ilaannakoortumik piginneqataaffigisaannut imminut akilersinnaanngitsunut tapiissutigisartakkat piiarneqassasut taakkulu nuunneqassasut toqqaannartumik innuttaasunik kiffartuussinnermut soorlu peqqinnissaqarfimmut.

Immaqaluunniit aningaasat taakku atorineqarsinnaapput nutaaliornermut aningaasaliissutit aqqusaarlugit, aallarnisaasartunut nutaanut niuernikkut isumalluarnartunik aallartitsisunut piffissami aalajangersimasumi tapiissutit atorineqartalersinnaagaluarput, aningaasat aallarnisaanermut atugassatik tamakkerlugit aningaaservimmi taarsigassarsiarisinnaanngippatigit aningaasaliisussanillu amingaateqarlutik.



Niuernermut tunngatillugu tunngaviusumik isumaqarpugut ikiuinissaq pitsaanerpaaq tassaasoq ikiorneqarnissaq imminut ikiorsinnaanngornissaq siunertaralugu aamma isumaqarpugut pisortat akulerusimanagerat unammilleqatigiinnermut innarliisinnaasoq.

Peqataanik aamma isumaqarpugut Kalaallit Nunaanni taama killeqartigisumik pisisussalimmi kiisalu ikittuinnarnik suliffeqarfiusumi iluaqutaasinnaasoq pisortat aningaasaataat atorlugit nutaaliornermut aningaasaliisoqartuuppat kisianni soorunami arlalinnik assigiinngitsunik piumasaaqatitalerlugu.

Aamma peqataanik isumaqarpugut iluaqutaasumik meeqqat atuarfianni aningaasarsiorneq, nutaaliorneq, pinngorartitsinerlu ilinniartitsissutigineqarsinnaasut pinnguarneq aqqutigalugu.

Kommunit Namminersorlutik Oqartussallu aamma aallarnisaasartunut tunngatillugu allaffissornikkut aporfissat piiarsinnaagaluarpaat taakku ineriartornissaminnut periarfissarissaarneruleqqullugit pisortallu aningaasaleerusulluinnarpata, kiffartuussinnermut aallarnisaasartunillu ikiuinnermut aningaasaliisoqarsinnaagaluarpoq. Aallarnisaasartut namminneq isumassarsiatik aallaavigalugit aallartittarput, pilersitsiumallutik aamma pisariaqartissaqqooqaat soorlu nunarsuup sinnerani aallarnisaasartunut allanut attaveqalernissaq, aningaasanik aqutsinnermut ikiorneqarnissaq aamma bogholderinut, kukkunersiuisunut allanullu eqqortunut innersuunneqarnissaq.

Aamma iluaqutaasumik aningaasaliiffigineqarsinnaapput aallarnisaasartut aallartinniarnerminni iluaqutissarsivigisinnaasaat soorlu Kalaallit Nunaanni aallarnisaaniaraani qanoq iliortoqartarneranut takussutissat: Pappiaqqat suut immersorneqassappat, aallarnisaaniaraanni suut aporfiusinnaasut piareersimaffigisariaqarpat, pisorta qarfiit sorliit saaffigineqassappat aamma sutigut ikiuussinnaappat, suut inuttut nammineq akilertariaqarpat, nunami akileraartarnikkut pissutsit paasissutissiissutigineqarsinnaapput kiisalu aamma nunani allani, A/S-t, IS-t allallu piginneqataariaatsit suut assigiinngissutigivaat.

Ukiut kingulliit ingerlanerini Kalaallit Nunaanni aallarnisaasartut annertuumik takusimavagut uummarissaataavoq nuannerlunilu kiisalu atisat, ilusilersuisarnerup, tarngutit, pinneraatit, nipilersukkat aamma qarasaasiaqarnerup kiisalu inuussutissat allallu sulliviit iluini aallarnisaasartugut maanngaanniit nersuulaarusuppakka, torrallaalluinnappaqissaarput.

Paasivarput Naalakkarsuisut UPA2017-mi nassuiaammik agguasserusuttut, pineqartoq naalagaaffimmik tapiissutigineqarsinnaasoq inuussutissaq pillugu.

Siunnersuutip 141-p Inuussutissarsiornermut Ataatsimiititaliamut innersuupparput. Immikkoortoq 40 itigartinneqassasoq inassutigaarput.



DEMOKRAATIT
DEMOKRATERNE

Qujanaq oqaaseqarsinnaagatta.